

جريدك حاكمك

جمعه ايرتسى

نومرو	شوال	سنه	تموز	سنه	صحيفه
٤٠١	٢٥	١٣٠٤	٤	١٣٠٣	٤٣٣٥

(اشبو غزته بهر هفته جمعه ايرتسى كونلرى چيقار سنه لكى درسعادت ايجون مجديه يكرمى)
 (غروش حسابيله التمش غروشدر طشره لر ايجون اون بش غروش بو-ته اجرنى ضم اولنور بهر)
 (نسخه سى ينه مجديه يكرمى غروش اولق اوزره يوز پاره يه هر يرده صائيلور درج اولنه جق اعلانك)
 (هر برندن برمجديه اخذ اولنور سنه لکنه مشرى اولق استيانلر عدليه نظارتى دائرسنده كان)
 (جريده محاكم اداره سنه مراجعت ايلمليدر)

قسمت سهى

(مساولات محررلكارى حاصلات واطداتك)
 (صورت اداره سنه دائر قلمه النوب مرعيت)
 (احكامنه بالاستيدان اراده سنیه جناب پادشاهى)
 (شرفنعلق بيور يلان قرارنامه صورتيدر)

مقاولات محررلكارى نك حاصلات شهر به سندن
 اوچبوز غروشه قدر مقدارى تماماً محرره عايددر
 حاصلاتك بوندى ز ياده سندن محررلك طائى
 بوجه اتى بيان اولنور بىك غروشه قدر اولان

حاصلاتدن اوچبوز غروشى تجاوز ايدن مقدارك
 يعنى بديووز غروشك نصفى وايكى بىك غروشه
 قدر بىك غروشى تجاوز ايدن مقدارك يعنى ايكنچى
 ايكى بىك غروشك ربعى و اون بىك غروشه قدر
 ايكى بىك غروشى تجاوز ايدن مقدارك يعنى سكر
 بىك غروشك خجسى و هر نه راده به بالغ اولور
 ايسه اولسون اون بىك غروشى تجاوز ايدن
 مقدارك عشرى محرره وير يلوب ماعداسى خزينه
 حسابنه ابراد قيد اولتىق اوزره عدليه وزنه سنه
 ارسال اولنه جقدر .

شوبله كه هر شهر رومى نهايتنده حاصلات واطداتك
 مقدار ينى مابين مساولات محررلكندن تنظيمى لازم
 كلان جدول محررك منسوب اولديغى محكمه نك

رئیس و باش کاتبی معرفتیه حساب و تدقیق اولنه رقی بیان اولسان نسبتله توفیقاً محررک بالاده محرر نصف و ربع و خسی و عشر اقسامندن عبارت اولان عائداتی تفریق و باسند اعطا و مذکور جدولک زیری تصدیق اولنه رقی مذکور جدول و عائدات سندی خزینة مالیه یه عائد بقیة حاصلاتله برابر با تحریرات رئیس محکمه طرفندن طوغریدن طوغری به عدلیه نظارتنه ارسال قنور .

محررک رفیقته و استخدام اولنه جق مباشرله و یر یله جک حصه لر ایله لوازم قرطاسیه و مصارف سائره عدلیه نظارتک تعیین ایده جکی صورت تقسیمه کوره عائدات مذکوره داخلنده در حاصلاتی اوچبوز غروشدن دون اولان محله دره مقاولات محرر لکری وظیفه سی عدلیه نظارتک انضمام معلوماتیله محکمه رئیسک تنسیب ایده جکی محکمه اعضا و یا خود کتبه سندن برینه علاوه اولنه بیله جکدر

در سعادت ایله بالجمله ولایات مدعی عمومیلکریته فی ۸ شعبان سنه ۳۰۴ و فی ۲۰ نیسان سنه ۳۰۳ تاریخنده یازیلان تحریرات عمومیه نک صورتیدر

محلی حکومت مأمور لرندن الیوکنک تحت ریاستنده اوله رقی وجوه و معتبران مملکتدن وجهت عسکریه دن مأمور ضابطان ایله ائمه و مختارانندن ترکیب ایدن قرعه مجلسلرنده مغایر نظام احوال


وقوعنده ضابطان عسکریه حقننده دیوان حربلرجه همان بالمحا که قانوناً لازم کلان معامله تعیین و اجرا قلمقده ایسه ده جرمنه شریک اولان مأمورین ملکیه ایله وجوه و معتبران و ائمه و مختاران حقننده مجالس اداره و محاکم نظامیه جه نه معامله ایلمکده بولندیغی استخبار ایلیله مامکده بولنسنه و جرائم مشترکه اربابندن بعضلرینک جزاسی تعیین و اجرا قلموبده دیگر لرینک جزاسی قالمسی و با اجرای مجازاتک تاخر اتمسی موافق عدالت اوله میه جغنه بناء بعدما بویله قرعه ایشلرنده سوء استعمالی اکلاشیلانلردن مأمورین ملکیه و وجوه و معتبران محلیه دن اولانلرک و ائمه و مختارانک دخی امرای و ضابطان عسکریه کبی محاکمه لریند دیوان حربلرده اجراسی و اثنای محاکمه ده مأمورین مومی الیهک رتبه و حیثیتلرینه کوره بولندقلری ولایت و یا لو او یا خود قضا اداره مجلسلرندن برر و یا ایکیشر ذاتک اعضا صفتیه بولندقرلمسی خصوصلرینک اصول اتخا ذینه دائر نام جلیل سر عسکریندن وقوعبولان اشعار اوزرینه لدی التذکر مأمورین ملکیه و عسکریه ایله افراد ناست ایقاع ایده جکری جرائمدن طولایی مرجع محاکمه لری قانوناً معین اولوب قرعه مجلسلرنجه ونوعبولان سوء استعمالاتدن طولایی محاکمه لری لازم کلنلر دخی شمعی به قدر صفت اصلیه لرینه نظراً عائدولدقلری محاکم و مجالسده محاکمه ایلمکده بولندیغنه و خلاصه اشعار قرعه ایشلرندن طولایی مجالس اداره

اوله میه جغنه بناء بعدما بوشلو و مصالحک سرعت ممکنه ایله تدقیق ورؤیتی خصوصنک تعمیمی شورای دولتندن تنظیم اولنوب بر صورتی بایورلدی ساهی تبلیغ اولنان مضبطه ده کوسترلش و کیفیت بالجمله محاکم رؤسائنه اشعار اولنقی اوزره مذکور مضبطه نک نسخ کافیه مطبوعه سنک لقیله ولایات استیفاف مدعی عمومیلکریته اشعار قلمش اولغله داخل دائره ولایت اولان محاکم رؤسائنه تبلیغ کیفیتله ملفوف صورتلردن برر قطعه سنک دخی اسرا و خصوص مذکورک حسن جریانسه طرف بهیبه لرندن دخی اعتنا اولنمسی سیاقنده

در سعادت ایله بالجمله ولایات مدعی عمومیلکریته فی ۲ رمضان سنه ۳۰۴ و فی مایس ۳۰۳ تاریخنده تسطیر بیور یلان تحریراتک صورتیدر

بعده حقسن طرفندن تحصیل و استیفا اولنقی اوزره محال وقوعاته اعزام اولنان مأمورین و سائره یه کوریلان لزوم قانونی به بناء مال صنمدقلرندن و یریلان اچسه دن بر کونه تحصیلاته موفق اولنه مامش اولندیغی بوده نوعاً مأمورین عدلیه نک تساخ و تکسارلرندن ایلوکلکده ایله وکی

بیانیله اجرای ایجابنه دائر بعض طرفندن وقوعبولان استفسار اوزرینه کیفیت انجمن اداره عدلیه یه لدی الحواله بو کبی شیلردن و مصارف محاکمه دن طولایی مدیون اولنلرک تسویه دین ایله نجیه قدر اجرا توقیفخانه لرنده حبس اولنوب مطالبات مذکور نک تحصیل و استیفا سی چاره سنک استحصالی بولنده مقام نظارتجه اتخا ذو عره ججادی الاخره سنه ۳۰۲ و فی ۷ ربیع الاخره سنه ۳۰۴ تاریخلرنده با تحریرات عمومیه هر طرفه تبلیغ اولنان قرار واقع دائره سسنده ایفای معامله یه بدل اهتمام ایله حقوق خزیننه نک محافظه سی اسبابنک استکمالنه اقدام اولنمسی لزومنک بتکرار تعمیماً توصیه و اخطاری لزومی با مضبطه افاده و تذکار اولنش و کیفیت لازم کلنلره بیلدیریکی کبی اشبو تحریراتک نسخ مطبوعه کافیه سی دخی لفاً تسیمار قلمش اولغله اقتضا ایدنلره بالتبلیغ اشعارات واقعه دائره سسنده حرکتله حقوق خزیننه نک محافظه سسنه متمادیاً دقت و غیرت ایملری سیاقنده



قسم غیر رسمی

(تابع میلان ناحیه سنده واقع الیوم اغاج قریه لی)
 (اولوب سلیمانیه ده دارالحدیث مدرسه سنده)
 (اقامت و مکتب ملکیمه طبیبه به مداومت ایدن)
 (بکریمی سکز یا شنده قره علی بن رجسک)
 (واشخاص مرقومه بی کتم واخفا ایتیکی)
 (ادعاسیله مظنون علیه اولان قسطنطونی ولایتی)
 (داخلنده آراج قضاسنک بویالی ناحیه سنه)
 (مضاف مخرج قرنه لی اولوب سلیمانیه ده دوکجه)
 (اولی مدرسه سنده اقامت و مد کور مکتب)
 (طبیبه به مداومت ایدن بکریمی بش یا شنده)
 (نهمان بن علینک محاکمه علیه لری ضبط نامه بندن)
 (مابعد)

یوم مذکورده متهمون مرقومون قانون دآره سنده
 منسوب اولدقلری توقیفخانه لردن جلب ایله
 خرمندار عمر ایله محمد چاوشسک وکیل منصوبلری
 رجائی ایله متهملردن احمد چاوش وقره علینک
 وکیللری اولوب معذرتلرینه مبنی کلمه میان رفیق
 بک و محمد علی افندینک برلرینه احمد چاوشه
 خاچیک وقره علی به دخی عزت افندیلر تهمان
 مرقومانک رضا و موافقتلریله جانب محکمه دن
 وکیل تعیین اولنهرق یانلرنده اولدقلری واستیناف
 مدعی عمومیدسی عزتلو خالد بک افندی ایله
 مدعی شخصی مقبوللردن بواب علی اندینک
 برادری قهسوه جی محمود اغا و متهملردن خرمندار
 عمر ایله محمد چاوشسک ضابطلری اطفائییه اوچبجی

(بیک اوچبوز اوچ سنه سی شوانک التنجی)
 (پنجشنبه کونی شهزاده باشنده واقع ابراهیم)
 (یاشا مدرسه سنده مقتولاً جسملری بولنان)
 (حضور همایون درس مخاطبلردن و کوتاهییه)
 (سنجاغنه تابع تاج آمدقضاسی اهلایسندن)
 (خواجه حاجی علی و معموره العزیز ولایتی)
 (اهلایسندن بواب دیگر علی افندیلرک کیفیت)
 (جرح وقتلرندظولانی مظنون علیهم اولوب)
 (دردست ایله تحت توقیف واستنطاقه)
 (النانلردن برنجی سواری الاینک مکتب)
 (حربیه ده مستخدم دردنجی بلوکنک خرمنداری)
 (یوزغاد سنجاغنک صورخون قضاسنه تابع)
 (ارکنکلی قریه لی او توز یا شنده یانق اوغلی عمر بن)
 (محمد و اطغرل الاینک الای چاوشلردن کنغری)
 (سنجعی داخلنده چرکس قضاسنک جان کیسه)
 (قریه سی اهلایسندن او توز یا شنده قاضی اوغلی محمد)
 (چاوش بن حسن ورزی قوچیلرندن و ذکرا اولنان)
 (یوزغاد سنجاغنک صورخون قضاسنک یوقاری)
 (محله سی اهلایسندن بکریمی سکز یا شنده)
 (قزل اوغلی احمد چاوش بن اسماعیل)
 (ایله کنغری سنجاغنی داخلنده چرکس قضاسنه)

طاورک دردنجی بلوکی بوز باشیسی محمد افندی
 دخی حاضر و موجود بولندقلری حالده اجرای
 محاکمه علیه به بالابتدار متهمون مرقومون استیجواب
 اولندقلرنده جمله سی دخی بالاده محرراسم و شهرت
 وسن و صنعت ایله محل تولد و اقامتلرینی
 بیان ایتلرله کندولرینه وو کیلون مومی الیهم
 عزت و رجائی و خاچیک افندیله قانون مذکورک
 ایکبوز التمش دردنجی و ایکبوز التمش بشنجی
 ماده لری مدلولاتی بعد الاخطار اتهام مضبطه سیله
 اتهامنامه ضبط کانی قایلر افندی به قرائت
 ایتدیلدی ذکر اولنان مضبطه نک مالی اجرا
 قلنان تحقیقات استنطاقیه نظرأ مظنون مرقومون
 خرمندار عمر و محمد و احمد چاوشسک مومی الیهم
 خواجه حاجی علی و بواب دیگر علی افندیلری
 ایقه و اشیارینه طمعاً جرح و قتل ایلدکلری وقره
 علینک دخی مرقومونه کوزجیلک و معاونت
 ایتدیکی و نهمانک ایسه جانلری بعد ایقاع جرم
 کتم واخفا ایلدیکی ایچلردن خرمندار عمرله محمد
 چاوشک طایعاً و تفصیلاً و قو عبولان اقرارلری
 و بونلرک بو اقرارلرنده اولان اخبارات ایله برابر
 قره علینک تحقیقات ابتدائییه اثباتسنده اولاصورت
 انکارده و اخیراً یکدیگرینه مبین بعض افادته
 بولندقلر صکره حقیقت حالی مبین اولسق اوزره
 ضبط ایتدیرمش اولدیغنی افاده سنده کیفیتی بیان
 و حکایه ایتیش اولدیغنه و احمد چاوش ایله نهمانک

انکارلرینه قارشو اوراق تحقیقه ده مندرج دلائل
 و امارات اتهاملرینه کافی بولندیغنه و شو حاله
 کوزه مرقوموندن خرمندار عمرله محمد و احمد
 چاوشسک حرکتلری قانون جزانک یوز یتیش
 دردنجی ماده سنک فقره اخیره سنه وقره علینک
 فعلی دخی یوز یتیش بشنجی ماده سنه و نهمانک
 تهمتی ایسه یوز بکریمی برنجی ماده قانونیه به
 موافق افعالدن ایدوکنه مبنی مرقومون خرمندار
 عمر و محمد و احمد چاوشسکله قره علینک جنایتله
 و نهمانک دخی مرقومون ایله برلکده محکمه جنایتده
 محاکمه سی اجرا اولتق اوزره جنحه ایله اتهاملرینه
 قرار و برلدیکنی و اتهامنامه نک مؤداسی دخی
 مضبطه مذکورده مندرجاتی و جهله مرقومونک
 جنایت و جنحه فعللریله متهم بولندقلرینی بیان
 و ایضا حدن عبارتدرقانون مذکورک ایکبوز التمش
 التنجی ماده سنه توفیقاً اتهامنامه نک خلاصه سی جانب
 ریاستدن متهملره تفهیم و مدعی عمومی مومی الیه
 طرفدن اتهاملرینه سببیت و یرن احوال بیان
 و تشریح اولندقلر صکره متهمون مرقومون
 سوولتدیرلرلرکده بونلردن خرمندار عمر بیرامک
 اوچبجی بازار ایتسی کونی سلطان محمدده محمد و احمد
 چاوشسک وقره علی ایله برلشدکلرنده قره علی بریده
 اوچ درتیبوز لیرا واردر الهلم دیمکله اورادن
 احمد و محمد چاوشسک کیدوب و کندوسی دخی
 قره علی ایله برابر سلیمانیه به کلوب برقه و خانه ده

او تورد قدن صکره کچده بر جامع حولیسنده
 برلشد کلرنده محمد چاوش جیبندن بر کاغذ
 چیقارمش اولدیغندن قره علی دخی کبریت یاقه رق
 مذکور کاغده باقش ایسه ده کبریت درحال
 سوندیکندن مذکور ورقه بی او قویوب
 او قومدیغنی بیلدیکنی و مؤخرأ مدرسه یه کیدوب
 قیوی چالسدقلرنده بیوک خواجه قیوی اچغله
 و اوصرده بواب دخی کلکله بیوک خواجه نک
 او طه سنه کیدوب اولأ بیوک خواجه وانک یانده
 بواب والت طرفده اچده چاوش ودها صکره
 محمد چاوش واک صکره دخی کندوسی او تورمش
 اوللریله خواجه لر قهوه بیشوره جک اولدقلری
 حالده کندولری عدم قبول ایله اچلرندن محمد
 چاوش بیوک خواجه یه بر کاغذ و یروب
 خواجه لرک مدرسه ده اولوب اولدیغنی
 سؤالنده بیوک خواجه جوابأ بیرام ارالغیدر
 خواجه لر بوراده یوقدر صباحلین کلور دیمی
 اوزرینه اجد چاوش اوچ سنه در ارقه کزدن
 کزه بورم دیوب قیوی سورملیه رک و کندولرینه
 هاچو کک دیمکله کندوسی بوایی و محمد چاوش دخی
 بیوک خواجه بی طوته رق اجد چاوش قایی اولأ
 بوابک قارنه صوقوب چیقاردقدن صکره بوغاندن
 دخی کسوب محمد چاوشک یانه کش ایسه ده
 بیوک خواجه بی اجد و یاخود محمد چاوشلردن
 قغیسی کسدیکنی بیلدیکنی و اوصرده کندوسی

قا اولدیغنی حالده اوزرینه هجوم ایتکله او طه
 دروننه چکیله رک وبعده بولدقلری اچده واشیا
 وساعتی الهرق طیشارویه چیقداقلرنده قره علی نک
 اوراده اولدیغنی کورملریله او طه سنه واردقلرنده
 قره علی مادامکه بو ایش اولدی مدرسه م ارانور
 بوراده طورمیک دیمسنه مینی اورادن چیقوب
 هم شهر یسی صوجی بلالک اصمه الننده کی دکانه
 کیدرک حواجه لرک او طه سنندن الدقلری بر بوغچه
 اشیا بی مرقومک دکانه امانه اراقداقلرینی و صکره بیکی
 جامعدن ایران دولتی سفارتخانه سنه چیقهرق دیوان
 یولنه کیدر ایکن محمد چاوش جزمه سی اچنده کی
 یاره بی چیقاروب تقسیم ایتدکاری کی خواجه لرک
 او طه سنندن الدقلری ساعت دخی اجد چاوشده
 قالدیغنی و مؤخرأ اجد چاوش آبرلسیله کندوسی
 دخی عمرله برابر داود پاشا قشله سنه کتدکاری
 بالیسان طایعأ و تفصیلا اقرار و اعتراف تهمت
 ایتلریله مدرسه یه کیدوبده میر الای طرفندن فطره
 و برله جک دسیسه سیله مدرسه ده موجود طلبه نک
 اسامیسی موی الیه خواجه حاجی علی افندی یه
 یازدیرمش اولوب اولدیغنی مرقوماندن محمد
 چاوشدن صورلدقده کرچه مدرسه یه کیدوب
 بیوک خواجه یه بویله بر یوصله یازدیرمش ایسه ده
 رفقاسنه مدرسه ده مسکون طلبه نک چوق
 اولدیغنه قناعت کتورده رک مقصدلرندن
 کپو طور دیرمق فکرینه مبتنی اولدیغنی کی
 رفقاسنک بو مقصدلرینی دخی یوصله بی یازدیردیغنی

زمان خواجه حاجی علی افندی یه بیان ایتش
 اولدیغنی و عمر دخی محمد چاوش خواجه لر
 کسدکاری وقت کندوسنه بر طوقات اورمش
 ایسه ده اولوقت کندوسی شاشیرمش اولدیغندن
 ناشی عقلنی باشنه کتورمک اوزره اوردیغنی
 وحی قانلی قایی دخی یالاتدیغنی سو یلدیلر رژی
 قولجیسی اجد چاوش دخی مرقومانک سوزلری
 جله عزوبات و افترا اولدیغنی جهته قبول
 ایده میوب مع مافیله بر کیسه فعل قتلک
 کندوسندن صدورینی خبر و بردیکی حالده
 جزاسنه راضی اوله جغنی و متهملردن عمردن
 ماعداسنی طانییوب عمر دخی کین بر رمضانده
 او طه سننده کلام قدیم اره سننده بولنان سندلرینی
 سرقت و برده یکریمی قیه قدر چاقاوتون بولنسنه
 دلالت ایتسنه قارشو کندوسندن اون بش عدد
 سیم مجیدی ایستوب ویرماسندن ناشی و برده
 بیرامدن چند کون صکره چالمش اولدیغنی
 سنداتی ایستک ایچون کتدیکنده ویرمیوب
 کندوسی دخی غوغا و منازعه ایتسندن ناشی کین
 وعداوت پیدا ایدرک شمدی علیه نه مفریاتده
 بولندیغنی و قره علی دخی اشخاص متهمه دن
 بالکر محمد چاوش مقدا طلبه دن اولدیغنی جهته
 طانور ایسه ده دیکر لرینی طانییوب آنحق بیرامک
 اوچنجی بازار ایرتسی کونی اخشام اوزری
 خسته اولدیغنی جهته ایا صوفیه ده واقع اجزا
 خانه ده دو قنور نوری افندی یه کندوسنی معاینه

ایتدیردکد نصکره سلیمانیده واقع قهوه خانه
لردن برینه کلوب اوتوردیغنی معقب محمد چاوش
یاشنده قالدیقلی دیگر بر عسکر ده اولدیغنی حالد
مذکور قهوه خانه به کلرک و کندوسنه خطاباً
چاق توتون کتور سه م صانه بیلور میسین دیمکله
کندوسی دخی باقم غیرت ایدرم دیهرک مؤخرأ
مرقومان عسکر لک کتوری اوزرینه کندوسی
دخی نعمان ایله برابر تیریاتی چارشوسونده
طولاشتمده لریکن تصادف ایلدیکی خفیه صبری
افندی کندوسی ایله نعمانی مک مک اوزره
طلبه دن قدری افندیگ اوطه سنه کوتور مکله
کیجه اوراده طعام ایتمکده اولدقلری ائاده مدرسه
قبوسی چالینه رق مرقوم محمد چاوش یاشنده
طانیدیغنی دیگر ایکی نفر رفیقیه برابر مدرسه به کلش
اولمغله مرقومونی اوطه سنه کوتوروب مومی
یاقدیغنده محمد چاوشک اوزرینی قانلی کورمسی
اوزرینه ندر بو حال دیو واقع اولان سؤالنه نزاع
قلان ایتدک دیمسنه مبنی بوبله توتونک لزومی یوقدر
بورادن کیدک دیهرک مرقومونی مدرسه دن
چیقاردیغنی و قدری افندیگ اوطه سنه عودتده
کلانلرک کیمل اولدقلرینی مرقومون قدری و نعمان
و صبری افندیلر سؤال ایتمله کلان اشخاصدن
برینک محمد چاوش اولدیغنی و دیگر لرینی
طانیدیغنی سویلدیکی درمیان ایله مرقومان
احمد چلوش و قره علی دخی انکار نهمت ایلدیلر

بونلردن قره علیگ ضابطه دائره سنده سبق
ایدن ۱۲ تموز سنه ۳۰۲ تاریخی فاده سی
بالقراة یکن سنه رمضان دن برماه مقدم طلبه دن
کرد رفعت و قره عمر ایله برلشوب اثنای مصاحبته
مرقوم رفعت مقبول مومی الیه حاجی علی افندیگ
بش التی یوز لیراسی اولدیغنی و رمضانده کلوب
بیرامدن صکره کتدیکنی و کندوسی دخی رمضانده
طشره به کیده جکندن عودتده حصه سنی المی
اوزره برکیجه بواشی بتورملرینی بیان وتشویق
ومدرسه نك جله قبوسنک انختارینی اعنا ایدرک
مغیسا طرفنه کتمش و قره عمرک کندوسه بر قاج
دها رفیق بول بواشی بتوره لم دیمش اولدیغنی
حالد موافقت ایتموب بالاخره مرقوم رفعت
طشره دن عودتده افادات وتشویقات سابقه سنی
تکرار وتأکید ایله بوسنه رمضان شریفن اول
ینه ایدین طرفنه کتمسی و قره عمر دخی براده دن
طولایی اوارالق حکومتجه ارانلدیغندن فرار
ایلمسی اوزرینه متهملردن محمد چار شه بیان کیفیتله
بیرامک اچنجی بازار ایتسی کونی محمد چاوش
وخرمندار عمر وقولجی احمد چاوش ایله رلشوب
بالذاکره اوکیجه بواشک بتورلمسنه قرار
ویردکلرندن مرقومون مذکور ابراهیم پاشا
مدرسه سنه کیدوب ومؤخرأ عودتدرنده ازلرلی
قانلی بولمسنه بناء خواجه بی کسدکلرینی اکلایوب
طیشاروبه چیقارمش اولدیغنی و وقوع حالی

قدری افندی حاضر اولدیغنی حالد صبری
افندی به سویلدیکی بیاندن عبارت ایدوی
اکلاشیلهرق کندوسنه تفهیم ومذکور افادات
زیرنده بولنان امضا ارانه ایله اشبو افادات ایله
امضا کندوسنک اولوب اولدیغنی سؤال اولندقدده
امضا کندوسنک امضاسنه بکزر ایسه ده کندینک
اولوب اولدیغنی بیلدیکنی و اولوقت خسته
اولوب عقلی باشنده اولدیغنی جهتله بویله بر افاده
و بروب و یرمدیکی دخی در خاطر ایده مدیکی
بیان ایلدی نعمان دخی بیرامک اوچنجی بازار
ایتسی کونی اخشام اوزری سلیمانیده واقع قهوه
خانه لردن برینه کیدوب عزته مطالعه سیله
مشغول ایکن برده بر قلیج شاقردیسی ایتمکله
یاقدیغنده محمد چار شک یاشنده عسکر می باشی بوزقی
طانیدیغنی ایکی شخص ده اولدیغنی حالد قهوه
خانه به کادکلرینی کوردیکی کبی قره علیگ دخی
اوتورنده اولدیغنی و اون دقیقه صکره کندوسی
مدرسه سنه کیدوب تکرار قهوه خانه به عودتده
عساکر لری کوره بوب انجق قره علیگ
قهوه خانه نك باغچه سنه اوتورنده اولدیغنی
بالشاهده کندوسی طراش اولوب مدرسه سنه
کیدر ایکن اثنای راهده صبری افندی ایله قره
علی به تصادف ایتمکله مرقومانک تکلیفی اوزرینه
قدری افندیگ اوطه سنه کیدرک مک بکده لر ایکن
مدرسه نك جله قبوسی چالیمغله قدری افندی
قبوبی آچوب بر قلیج سوارینک کندوسنی ارامقده

اولدقلرینی قره علی به سویلمسی اوزرینه قره علی
کیدوب اون دقیقه صکره عودتده کلانلرک کیمل
اولدقلرینی سؤال ایتمله اوزرینه صامتی اچون
چاق توتون کتور مشلر ایدی دفع ایتدم جوابی
ویردیکنی و اوکیجه مرقوم قره علیگ اوطه سنه
یاقدیغنی بالبیان فعل مدعا بهسه جرأتی کلیاً انکار
ولدی السؤال قدری افندیگ اوطه سنه کیده جکلری
اشاده قره علیگ اصلاً یانلردن ایرلمدیغنی تذکار
ایلدی مدعی عمومی مومی الیه جانلندن بالا عطا
قرائت اولنان شهود پوصله سنه اسامیسی
محرر اوللردن دعوت واقعه اوزرینه ورودایتن
مؤذن بکتاش احمد و پولیس قومیسری و یچن
و خفیه مأموری صبری و بواب ابراهیم ادهم
و طلبه دن مصطفی فوزی و پولیس یوسف ضیا
افندیلره صوجی بلال و عساکر شاهانه دن علی
وعیسی چاوشلر قانون مذکورک ایکوز التمش
سکرنجی ماده سنه تطبیقاً بعد التحلیف منفرداً
ومواجهتاً استجواب واستماع اولندقلرنده بونلردن
مؤذن احمد افندی بیرامک فرداسی پنچشنبه کونی
طوت مک اوزره ابراهیم پاشا مدرسه سنه کیدوب
بوصره ده مدرسه نك ابدسخانه سنه کیردیکنده
خواجه حاجی علی افندیگ اوطه سنک بغچه به
ناظر اولان آچیق پنچره سندن یشیل سینکلرک
کیروب چیققلرینی کورمکله ابدسخانه دن چیقوب
حوالی اوزرنده بولنان پنچره دن اوطه نك درونه
یاقدیغنده خواجه افندیگ آل قانلر ایچنده مقتولاً

یا تمده و او ته ده دیوارک دینده دخی دیگر بر کیمسه نک
صیرت اوستی قتیلاً بولتمده اولدیغنی کورنجیه
شاشیر دیغندن هممان قاضیه سکر سماحتلو نجیب
افندی حضرت لرینه بالمراجعه و قوعالی بیان
ایله آلدیغنی امر اوزرینه حسن پاشا مرکزینه
کیدرک قومیسر عثمان افندی به معلومات وریکنی
وقومیسر مومی الیه کندوسی و دیگر اویج نفر
پولیس ایله برابر مدرسه یه کله رک مذکور او طه
قیوسی آچیق اولغله ایچروبه کیر دکرنده قومیسر
مومی الیهک سؤالی اوزرینه اولجه طانیغنی
شخص مقتوله دقتله باقدیغنده سلواربله صاخ
قشینک اوزرنده بولنان بنندن طانیهرق بواب
علی افندی اولدیغنی سویلدیکنی و مؤخرأ مرکز
عودتله افاده سنی ضبط ایتدکرینی وقومیسر ویچن
افندی دخی متهلرک افاداتنی باب ضبط یه ده
کندوسی ضبط ایتدکده اولدیغندن بولردن قره علی
اخیرأ ضبط اولنان افاده سنده بیرام کونی اجد
ومحمدچاوشلرله قهوه خانه ده برلشدک برخواجه ده
درت بش یوز لیرا اولدیغنی سولکلکم اوزرینه
بز الورز دیدکرندن برابرجه مدرسه یه خواجه
نک او طه سنه کتدک بن بکله مدم مؤخرأ اجدومحمد
چاوشلر مدرسه یه کلدیلر باقدم اوزرلرنده قان کوردم
بن سزه بویله می یاپک دیدم دیهرک قوغدم دیمش
اولدیغندن او بولده افاده سنی ضبط ایله کندوسنه
امضا ایتدیردیکنی سوللریله ویچن افندیکنک اشبو
افاده سنه قارشو دیه جکی مهتمردن قره علیدن

وقاچ نفر اولدیغنی قدری افندی دن سؤالنده بریسی
اوزون بویلی قولنده اوچ دانه قرمزنی نشان وار
قلنجلی سواریمی طوپچی می بیله مم بوز البسه لی
بریسی دهاوارایدی انی طانیه مدم فقط او بری قیصه
بویلی بر شخص اولوب قولتوغنک التنده قرمزنی
بر بوغچه وارایدی دیدیکنی و چند دقیقه مرورنده
قره علی او طه یه کلکله کندوسنک مسافرلی
نه یاپدک قچاق توتون ایسه بنده ایسترم دیمسنه قارشو
مرقوم قره علی دیرکلر اره سنده کی خواجه لری
کشمشیر البسه لری قانلی ایدی انک ایچون
قوغدم بز بو ایشی چوقدن قرارلشدیردق و بو
خواجه ده ایکی بیک لیرا قدر پاره خبر الدق شمدی
یامشیر بن بونلرک کسسه لمرینه راضی دکلم
انک ایچون او طه مه قبول ایتدم دیدیکنی بیان ایتدکله
بوکانه دیه جکی مرقوم قره علیدن صورلدقده
مادامکه صبری افندی ادم کسسه لدیکنی طومیش
وظیفه سی اولدیغنی حالده نیچون مقتولرک جسدرلرینی
میدانه چیقارمدی بونک بکا غرضی واردر افاده
واخبارینی قبول ایتام دیمکله بو جهت مرقوم
صبری افندی دن صورلدقده قره علی محمدچاوشک
یالکز اسمنی خبر ووروب الای و طابورینی سوللامش
اولدیغنی کبی فرداسی شهزاده باشنده دیرکلر
اره سنه کیدوب مدرسه ده غوغا و کورلتی اولدیغنی
اوراده بولنان قهوه جیدن بالسهؤل اکلا دیغنی
و خصوصاً کندوسی اسکدار مأمورین خفیه سنندن
اولوب قره علیکنک دخی انکار ماده ایتک احتمال

داخلنده اولدیغنی جهته لمرجعنه با ژورنال اخبار
وقوعاته شتاب ایتدیکنی سویلدی بواب ابراهیم ادم
افندی دخی بیرامک اوچنجی کیمه سی تخمیناً ساعت اوچ
ایله دردک اره سنده مدرسه قیوسی قیامق اوزره
او طه سنندن چیقدیغنی صره ده قدری افندیکنک
او طه سننده بر قاچ کشینک مصاحبت ایتدکده
اولدق لرینی ایشتدیکنی کبی خارجدن دخی بر ایکی
ادمک چله قیوسنک اوکنه طوغری کلدکرینی
ایاق پاتیر دیلرندن اکلا دیغنی وقیوی اچه ماملرینه
مبئی قدری افندیکنک او طه سنک اوکنه کلوب
سسئلرلی و یا خود پنجره یی اورملری اوزرینه
مومی الیهک او طه سنندن بریسی چیقوب قیوی
اچدیغنده اوچ کشی ایچروبه کیر ملریله کندوسی
دخی قیوی کلدیلدیکنی و مؤخرأ قره علی قدری
افندیکنک او طه سنندن چیقوب و بو اوچ شخصی
او طه سنه کوتوروب بر اقدقن صکره چیقدیغنده
اشخاص مرقومه نک کیلر اولدق لرینی قره علیدن
صوردیغنده هم شهرم محمد چاوشدر دیمسه یله
کندوسی او طه سنه کیدوب یانه جخی صره ده
قره علی کله رک قیونک اختارینی ایستمکله سؤالنده
مسافرلریمی چیقاره جغ دیمسندن بو وقت مسافر
ادم کیدرمی دیو واقع اولان استه همانه « دفع
اولسون کیتسونلر » دیدیکنی و اشخاص
مرقومه نک یوزلرینی کوره مدیکی جهته ل
طانیه مدیغنی و طلبه دن مصطفی فوزی افندی دخی لیه
مذکورده ابدسخانه یه کیده جکی اثناده مدرسه نک

جمله قپوسی اوکنده برابق پائیردیمی ایشدوب قدری افندینک قپویی اچسی اوزرینه چند نفر اشخاص ایچرویه کیرمشلر ایسهده اوصرده کندوسی ابدسخانهده اولدیغی جهته کوره مدیکنی ومؤخر اشخاص مرقومه کتلمرله ابدسخانهدن چیقدیغندن کلانلرک کچلر ایدوکنی قره علیدن سؤالنده همشهرم محمد چاوشدر دیدیکنی و پولیس یوسف ضیا افندی دخی متهملردن قره علی بی دائرة استنطاقدن توقیفخانهیه کوتورر ایکن بولده مرقوم قره علی طوغریسنی سویله حکم فقط اعدامدن قورقوروم دیمکه کندو سیدخی پولیس دائرة سنده اقرار ماده ایتش اولدیغندن شمیدیکنی انکاری فائده ویرمه جکنی سویلسی اوزرینه اقرار ایله شهادتک بیننده فرق واردر التی یدی سنه حبسه راضی بم بنی اعدام ایتسونلر دیدیکنی بیان ایتلمرله اشبو افادات و اخباراته قارشو دبه جکی دخی قره علیدن صورلدقده کندوسی یوسف ضیا افندییه بویولده سوزلرده بولتیوب انجق اعدامنه چالشتمده اولدقلرندن بو ادملرک الهدن قورقدقلرینی سویلدیکنی حالده ایمدی علیهنده بویولده مفتر یاتده بولتمده اولدیغنی افاده ایلدی صوحی بلال دخی بیرامک اوچجی یاخود دردنجی کچهسی محمد چاوش یاننده دیکر ایکی شخص دها اولدیغنی حالده نخته قلعهده کی دکاننه کلهرک قولتوغنی التنده بولنان بوغچه بی بالاعطا ارقداشلرینی واپوره کوتوردیکنی حالده واپور

حرکت ایتش اولدیغندن فرداسی اله جقلرینی بیانله صاقلامسنی تنبیه ایتمکه مذکور بوغچه بی صاقلامش ایسهده فرداسی کلیوب چند کون صکره مرقوم محمد چاوش ورود ایتمکه بوغچه بی المسنی سویلدیکنده قطانجی شعبانک دکاننه باقسنی بیان ایتدیکندن کتوروب مرقومک دکاننه برقدیغنی وبشقه شیئدن معلوماتی اولدیغنی اخبارو متهملردن محمد چاوش دخی مرقومک افادهسنی تصدیق ایلدی علی وعیسی چاوشلر دخی بوبابده اصلا معلوماتلری اولدیغنی سویلرله متهملردن احمد چاوش مضبوط افادهسنده بیرامک اوچجی بازار ایرتسی کونی اخشام ساعت اون ایکی رادهلرنده لنگه نظامیه قره غونخانه سنده احباسندن حاجی چلبی چاوشک یاننه کیدوب کندولری دخی اوراده اولدقلری حاده بیرامک دردنجی صالی کچهسی ساعت ایکی یچق اوچه قدر قره غونخانهده اوتوروب مؤخر اوطه سنه کتدیکنی سویلکره اولدیغندن فی الحقیقه لپله مذکورده احمد چاوشک ساعت اون ایکیدن اوچه قدر لنگه نظامیه قره غونخانه سده حاجی چلبی چاوشک یاننده اولوب اولدیغنی حقسنده معلوماتلری بولتوب بولتمدیغنی مرقومان علی وعیسی چاوشلردن صورلدقده هر ایکیمی دخی متهم مرقوم احمد چاوشی تکذیب ایلدیلر بوضرده مرقوم احمد چاوش خسته اولق حسبیه محاکمه اوله میه جغندن تأخیر محاکمه

اعلان

طلبنده بولمغله بوجهت تأمل اولندقدده متهم مرقوم ابتدای محاکمه ده خسته لکنه دائر برشی سویلیوب حتی اصولی دائره سنده استجواب اولندقدن صکره بویولده برعذر بیاننه تصدی ایتسی شهودک افاداتک علیهنده و کندوسی تکذیب بولنده بولتمسندن نشأت ایتدیکی اکلاشیلهرق خصوصیه احوالنده خسته لکه دائر علائم مشاهده اولنمغله مرقومک تأخیر محاکمه اولنمسی بولنده واقع اولان طلبنک ردینه متفقاً قرار ویرلهرک تفهیم اولندی مدعی عمومی جانبدن اعطا اولنان مذکور شهود پوصله سنده اسامیسی محرر اولنلردن رژی قوچلی باشیسی ملاطیه لی حسین وقوچلی محمد چیل وخیری افندیلرله زنجی احمد وحسین اغار ورود ایتماش وقهوه جی بغوص دخی بولدبریله ماش وطلبه دن عبدالقادر افندی دخی طشره به کتیش وحاجی چلبی چاوش و فقیه اوغلی محمد وعزت اونباشی دخی استبدالاً مملکتلرینه کوندلرش اولملرله بولنلردن محمد چیل افندی وقهوه جی بغوص وطلبه دن عبدالقادر افندیلرک دائره استنطاقجه ضبط اولنان و فقیه اوغلی محمد ایله حاجی چلبی چاوشک دخی محلری مستنطقلری طرفندن مضبوط اولان افادات محلفه لری لدی القرائه رژی قوچلیسی محمد چیل افندینک افادهسی

(مابعدی وار)

قبض مال اسماعیل اغانک کبر برغوس قریه سی ساکنلر نندن قوچو وفوطی نام برادرلر ذمتلرنده ایکی قطعه اعلام موجبجه الاجغنی اولان مبالغ معلومه نک تأمین استیفاسی ضمننده محجوز اولان مدیونان مرقومانک متوافقا پدرلری پنا بوطدن منتقلاً قریه مذکورده در سعادت جاده سننده واقع ملک بر باب فرونک نصف حصه سننده ومحل مذکورده واقع ملک بر باب بقال دکانده بولنان قرق سکر سهم اعتباریله یکریمی بر سهم حصه شایعه لری وینه قریه مذکورک پتخوز نام قریه جاده سننده واقع سلطان بایزید وقفندن حدود معلومه ایله محدود طقوز دو نم اعتباریله مو می الیه مانک مناصفة متصرف اولدقلری ایکی قطعه سبزه بغچه سی تاریخ اعلاندن اون بش کون صکره بالمزایده فروخت ایلدیلر جکی مقری قریه سننده واقع چکمه جی صغیر محکمه بدایت اجراء ائره سندن اعلان اولنور

فی ۹ مایس سنه ۳۰۳

نیکنده نک فرتک قریه سنندن چپوی اوغلی خریلپوسک نیکنده بدایت تجارت محکمه سندن

بيوك چكجه بدایت محكمه سی اجرا نامور لغنه
مراجعت ایلری اعلان اولنور

فی ۲۲ حزیران سنه ۳۰۳

علی افندیك جهت كفالندن پوسته وتلغراف
نظارت جلیله سی وزنه سنه دینی ولان مبالغ
معلومه نك تأمین استیفاسی ضمنده محجوز
وفروختی مقرر بولنان اسکدارده خواجه حسنی
خاتون محله سنده کائن الی اوج نومرو
ایله مرقم بر باب بر دکانك مع ملك وكدك نصف
حصه سی عندالمزایده لیرایوز غروش حسابیله
اوجبیک طقوز یوز غروشه طالبی عهده سنده
تقرر ایش اولدیغندن تاریخ اعلان اعتباراً
برماه صکره قرار قطعیمی ویریه جکی جهتله
یوزده بش ضمیمه زیاده طالب اولنلرک مدت
مذکوره ظرفنده اسکدار اجرا دائره سنه مراجعت
ایلری

فی ۲۳ حزیران سنه ۳۰۲

استیصال ایش اولدیغی فی ۱ شباط سنه ۳۰۱
تاریخ والی سکر نومرولی برقطعه اعلام موجبنجه
قریه مذکور دن ماریجه نام خاتون ذمتنده ایکبیک
التمش درت بیق غروش مصارف محاکدک
تأمین استیفاسی ضمنده مرقوم خرلیپوسک
آله جغه مقابل مدیون مزبوره نك درسعادته
علی پاشا حاننده بر باب میخانه ده متصرف
اولدیغی بر اچه بر پول حصه سی اولجه تحت
حجزه آتوب تاریخ اعلان او بش کون صکره
مزایده ویریه جکندن طالب اولنلرک نیکده
اجرا دائره سنه مراجعت ایلری اعلان اولنور

فی ۱ حزیران سنه ۳۰۳

بیوك چكجه لی بقال یانقو چور باجینك ادهم
اغازاده عمر طاهر افندی ذمتنده ازغیرا استیفا
متباقی الاجغك استیفا سی چون مومی الیهك متصرف
اولدیغی بیوك چكجه حدودی داخلنده باغیر
ایچنده ایکی نومرولی بر بیق دونم باغ یری محجوزاً
فروخت ایله جکندن ظهور ایده جك طالبلرک
تاریخ اعلانندن اعتباراً اون بش کون صکره

نواب کر آمدن فضیلتلو حسین رشیدی افندیك
درسعادت بدایت محكمه سی ایکنجی حقوق
دائرة سندن اعطا قلنان و تمیراً حکمی تصدیق
ایدیلان برقطعه اعلام موجبنجه اسماعیل عصمت افندیه
دینی اولان مبالغ تأمین استیفا سی چون مدیون
مومی الیهك عهده سنده اولوب جزی تصدیق
ایدیلان قوم قپوده طواشی سلیمان افا محله سنده
سلطان سلیمان چشمه سی زقاغنده کائن تخمیناً
وتریعاً الی درت آرشون بش پرمق عرصه
اوزرینه مینی واون آرشون اون التي پرمق
ارالغی وفوقانی وتحتانی اوج اوطه بی حاوی
ایکی نومرولی کار کیر بر باب خانه تمامی بالزایده
لیرا یوز غروش حسابیله اون ایکی بیك
غروشده طلبی عهده سنده تقرر ایمله بوندن
زیاده به طالب اولنلرک ودهازایده معلومات
المق استیانلرک تاریخ اعلان اعتباراً اوتوز
برکون ظرفنده درسعادت مرکز اجرا دائره سنه
مراجعت ایلری اعلان اولنور

فی ۲۷ حزیران سنه ۳۰۳

انکجی مار دپروس ورته سنك جهت كفالندن
طولانی درسعادت بدایت محكمه سی برنجی حقوق
دائرة سندن فی ۲۲ شباط سنه ۳۰۱ تاریخلی
ویریلان وانی تصدیقاً محكمه استیفا حقوق
قسندن اعطا قلنان اعلامر موجبنجه چایر کاتبی

متوفی علی رضا افندیك محدودملری بلیغ ومخلص
بکر ذمتلرنده الاجغی بولنان مبالغ معلومه نك تأمین
استیفا سی چون متوفی رضا افندیك عهده سنده
اولوب ورته سی اوزرینه هنوز استیفا بی اجرا
اولنمیان قاضی قریه سنده بغورتجی چشمه سی
جاده سنده سکر اوطه و براخور و بر مطبخ و سارهی بی
مشتمل اوتوز التي نمرولو بر باب کوشکک نصف
خصه سندن مدیون مومی الیهما خصه سنه اصابت
ایده جك ثلثان خصه لرینك ومحل مذکورده موده
بورونی نام محله کائن مقدا کروی ملک بش
دونم مقداری باغ والیوم بوستان محلنك
نصفندن حصه شایعه لرینك ومحل مذکورده یدی
دونم مقداری مقدا کاملاً باغ والیوم بوستان
محلنك كذلك نصف حصه سندن میر مومی الیهمایه
عائد اولان حصه لرینك بوندن اول بالمزایده بوندن
مذکور کوشکک خصه سی لیرایوز غروشندن
اولمق اوزره اون یدی بیك غروشده و بش دونم
مقداری باغ محله سنده اولان خصه لری لیرایوز
غروشندن اولمق اوزره اون بیك غروشده ویدی
دونم مقداری باغ محله سنده اولان خصه لرینك دخی
کذلك لیرایوز غروشندن اولمق اوزره اون اوج بیك
غروشده طالبی عهده سنده تقرر ایش اولدیغندن بوندن
زیاده یعنی یوزده بش ضمیمه طالب اولنلرک درسعادت
مرکز اجرا سنه دائره سنه مراجعت ایلری اعلان اولنور
فی ۲۷ حزیران سنه ۳۰۳

استاوری و واسیلک پترو ولیغوره اولان دیون
 محکومه لرینک تسویه سیچون مدیونلردن واسیلک
 بوندن اقدم موقع مزایده به قونلش اولان
 طوپخانده قرهباش محله سنده طوپچیلر جاده سنده
 اوچبوز قرق برنومرو ایله مرقم فوقانی و تختانی اوج
 سالون و اوج اوطه و برقیو و بر محزن و کیلار
 و مشتلات سارهبی حاری آشچی دکانی کدکنده
 یوز یکر می سهم اعتبار به متصرف اولدیغی اوتوز
 سهم و ملککنده شهری التمش ایچه ایجا رهن اون
 درت ایچه سی عثمانلی لیراسی یوز غروش حسابیله
 اون اوچبیک بشیوز غروشده طالبی عهده سنده
 قالمش و تاریخ اعلاندن اعتباراً اوتوز برکونه یعنی
 کله جک تموزک اوتوز برنجی جمعه کونی ساعت
 اونه قدر یوزده بش ضم قبول اولنسی و ذکر
 اولنان یوم و ساعتده صوک مزایده سی بالاجرا
 قرار قطعیمی و بر بله رک طالبی عهده سنه کچورلسی
 مقرر بولنمش اولدیغندن و اندن صکره هر نه ضم
 و قوغبولورسه قبول اولنیه جفندن مذکور
 حصه به یوزده بش ضمیمه طالبی اولنلرک ودها زیاده
 معلومات المق استیانلرک مدت مرقومه ظرفنده
 محکمه تجارت اجرا دائره سنه مراجعت انلری
 و یوم وقت مزبورده محل مذکورده حاضر بولنلری
 اعلان اولنور

فی ۳۰ حزیران سنه ۳۰۳

متوفی قس پارورته سنک در سعادت بدایت
 محکمه سی برنجی حقوق دائره سنندن اعطا
 قلنسان برقطعه اعلام موجبحه حسن افندی به
 دینلری اولان مبالغک تأمین استیفاسیچرن داینک
 استدعاسی اوزرینه تحت حجزه الدیریلان وورته
 مرقومه دن متوفانک زوجیه سی الیس قادین
 عهده سنده اولان بشکطاشده کوی ایچی
 محله سنده کلیسا زقاغنده کائن نخمیناً و تربعاً التیوز
 تمش بر ارشون وسعتی شامل برقطعه عرصه
 تمایله ورته مرقومه دن المونیا قادینک ووجه
 مناصفه متصرفه اولدیغی محله مذکورده عاشقلر
 میدانی جاده سنده کائن نخمیناً یوز سکسان طقوز
 ارشون عرصه اوزرینه مبنی فوقانی و تختانی
 درت اوطه و مشتلات سارهبی ر یوز الی
 ارشونی متجاوز باغچه بی حاری ناتمام مکرریدی
 نومرولی بر باب خانه نصفنک تاریخ اعلاندن
 اعتباراً اون بش کون صکره بالزاید فروخته
 تشبث اولنه جغنی در سعادت مرکز اجرا دائره سنندن
 اعلان اولنور

حزیران ۳۰ سنه ۳۰۲